

«ԵԿԱՅՔ ՇԻՆԵՍՅՈՒՔ

ՍՈՒՐԲ ԶԽՈՐԱՆՆ ԼՈՒՍՈՅ»

1999 թ. հուլիսի 18-ին, Շիրակի թեմի Ազատան գյուղում մեծ տոնախմբություն էր: Հավատացյալների առջև իր դռներն էր բացել տասնամյակներ առաջ փակված գյուղի Ս. Ստեփանոս և այծմ Ս. Հարություն վերանվանված եկեղեցին: Եկեղեցու հարավային դռան վերնամասում կա մի արձանագրություն, որում ասվում է, որ այս եկեղեցին կառուցվել է 1460 թ. և նորոգվել 1865 թ.:



Գարեգին Ա Վեհափառ Հայրապետի հիշատակին նվիրված խաչքարը Ս. Հարություն եկեղեցու մուտքին

Շիրակի թեմի առաջնորդական տեղապահ Տ. Փառեն ծ. վրդ. Ավետիքյանի գլխավորությամբ կատարվեց Պմբացեքի կարգը: Այնուհետև Մայր Աթոռ Ս. Էջմիածնից հրավիրված Տ. Արսեն արքեպս. Բերբերյանը վերանվիրագործեց և Ս. Պատարագ մատուցեց վերաբացված Ս. Հարություն եկեղեցում: Սրբազան արարողությունից հետո արարողապետ Գերաշնորհ Սրբազան Հայրը ոգեշունչ խոսքով դիմեց ազատանցի հավատացյալներին՝ ընդգծելով եկեղեցու պատմական ու կարևոր առաքելությունը հայ ժողովրդի կյանքում՝ ի մասնավորի նշելով. «Եկեղեցին մեր կյանքի հանգստյան կայանն է, ուր ծաղկում են երջանկության վարդերն ու շուշանները: Մարդիկ երջանիկ են այն չափով, ինչ չափով իրենք իրենց նվիրում են Աստծու ծառայությանը, և եկեղեցաշինությունն այդ ծառայությունների մեջ մեծագույններից է: Ուստի «եկայք

շինեսցուք սուրբ գխորանն լուսոյ»: Ս. Պատարագին մասնակցում էին նաև Մայր Աթոռի միաբաններ Տ. Մակար արք. Հովհաննիսյանը, Տ. Արշակ արք. Խաչատրյանը, Շիրակի թեմից՝ Տ. Շիրակ քին. Առաքելյանը, Տ. Թաթուլ քին. Հակոբյանը, Տ. Արսեն քին. Սիմոնյանը, սարկավագներ, թեմի քառաձայն երգչախումբը՝ խմբավարությամբ Արամ Աղաբաբյանի, և Էջմիածնի Գևորգյան Հոգևոր ճեմարանի ուսանողներ:

Հավարտ Ս. Պատարագի կատարվեց մատաղի օրհնություն՝ ի հիշատակ հանգուցյալ Վեհափառ Հայրապետի: Մատաղի կազմակերպիչներն էին բերության հայ բարերարներ Հարություն և Մարի Արսլանյանները: Հարկ է նշել, որ Հարություն Արսլանյանը, հանգուցյալ Վեհափառ Հայրապետի կոչին ընդառա-

ցելով, իր պատրաստակամությունը հայտնեց վերանորոգելու Ազատամի
 եկեղեցին՝ հատկացնելով 60000 ԱՄՆ դոլար: Ընդ որում բարերարների ողորկն և
 հարսը՝ Գրիգոր և Հիլտա Արսլանյանները, նույնպես իրենց մասնակցությունը
 բերեցին տարվող աշխատանքներին՝ հոգալով մկրտարանի ծախսերը: Բացի
 դրանից, նրանք հոգացին մաս անհրաժեշտ միջոցները եկեղեցու սրբապատ-
 կերների՝ Աստվածամայրը մանկան հետ, Ս. Հայրության, Ս. Ստեփաննոսի, Ս.
 Գրիգոր Լուսավորչի և եկեղեցու բարեկարգված տարածքում կանգնեցված
 խաչքարի, որը նույնպես հանգուցյալ Վեհափառ Հայրապետի հիշատակին է
 նվիրված:

Փառք ենք տալիս Աստծուն, որ որպես հայ քրիստոնյաներ Լուսավորչի
 տեսիլքով ծնված ժողովրդի զավակն ենք: Ծառայելու կոչումը առաքելություն
 է: Որքան երջանիկ պիտի զգանք մենք մեզ, որ ծառայության բաժնից մենք էլ
 ունենք՝ կառուցելու և առավել գորացնելու ու ընդարձակելու Հայ Առաքե-
 լական Եկեղեցին, որպես անբաժանելի մի մասնիկը Քրիստոսի Եկեղեցու:
 Ուրեմն մեզ մնում է հրավիրել բոլոր այն, մարդկանց, ովքեր պատրաստ են
 ընդունելու նվիրումի այս վայելքը՝ ծառայելով և հաճելի դառնալով Աստծուն:

ՀՊՎՀԱՆՆԵՍ ՍՄՐԿԱՎԱԳ ՅԱՊՈՐՅԱՆ